

定擬徒收贖有治罪之名無懲創之實用是益無忌憚愚謂似此案件宜援光緒九年故殺幼媳通行酌議監禁勿聽收贖宦家致死婢女則援同治十年部議章程分別辦理其官民婦女因纏足致死卑幼及白契婢女罪應絞候者秋審時除死者年齒已長或邂逅斃命仍照舊章議擬外如年在十五歲以下驗有水淋火烙傷痕照金刃損折五傷以上俱入情實不得曲為開脫地方官每辦一案即摘敘事由出示曉諭風聲所樹全活必多是則有言責者皆可 上聞者也

補錄撫院諭勉僚屬手札

頭品頂戴兵部侍郎兼都察院右副御史湖南巡撫部院陳 為遇災而懼謹與諸僚屬勸加修省以迓祥和事照得湘省自光緒二十年秋冬以來雨澤稀少為數十年僅有之事上年各屬秋收俱極歉薄甚且顆粒俱無長衡等府被旱較甚地方久已嘯糠茹草至有餓斃及自盡者本部院到任後察知小民困苦情形寸衷焦灼寢饋難安會商同僚亟將最重災區力籌振撫並乞援鄰省撥助賑款目前藉得支持第入春兩旬雷雨未降農田待澤之情急於臨渴掘井天時人事正復難知默維休咎之徵必有感召之理載之往籍歷歷可稽我 世宗憲皇帝天衷神靈尤於此旨篤信不疑若合符契本部院行能慮薄才智不及中人忝竊高位百愆叢集自維措置失當表率乖方愛民之念不誠除害之心不切或賞罰而內懷瞻顧或好惡而時逞偏私生心害政之事既多釀患殃民之禍將作獲罪天地負咎神明中夜徬徨如刺在背惟有痛自克責矢浣愆尤庶幾大易恐懼修省之義因思院司之職察吏為先州縣所司於民為近天之視聽自民民生愁苦怨憾之氣上干天和釀為災沴古訓昭垂殷鑒不遠是災詳之應禍福之機轉移端在州縣特將州縣屬民之政最足下叢民怨上干天和為中人所易犯者擇要約舉數端條列於後須知小民怨氣所積至於傷天和召災管則致怨之人由其身以及子孫豈有倖全之理和氣致祥乖氣致戾自一家以至天下隨感斯應不必有鬼神司之其理自無或爽本部院既自省躬責已尤當推己及人為此通飭所屬各府州縣務將後開各條事理反躬內勤痛自克責或若無而今有抑昔有而今無即非事出有心而或為思慮所未周耳目所不及必應切實審察有則痛革前非無則倍加警省甚勿以自欺欺人並以欺人者欺天庶可挽回厄運共迓和甘不悖以恐致福之道所有後開各條除職私罪惡不在此數外札到仰即切實遵照辦理並將奉文遵辦日期先行具報毋違切切此札

計開各條於左

一盜案 害民之事除貪酷之吏強剝民財及縱差橫索傾家釀命外即以強盜為最訪查近來名屬盜案力求破獲者固不乏人其疲玩州縣積習相沿民間遇有盜劫赴縣呈報差役即視同仇讐多方抑遏勒令改作被竊以緩比追或有事主傷斃不能隱匿亦勒改臨時行強且有具呈後官之抑勒亦復如差及至批准勘驗或委佐雜或親自會帶大衆臨鄉供應需索之費發差行票之資轉或倍於盜劫而盜之弋獲既已難期原贖更渺無追日民間以報案徒增累擾被盜之家相率隱忍雖問之不敢明言於是盜賊肆行無忌甚或姦淫婦女忍耻自戕而縣令且以境內無盜誇示長官倖邀久任間或破獲一二以圖塞責而盜役妄拿以偽作真者更無論矣小民冤憤鬱積永無伸洩之時其上干天和者一也

一拖累 民間田土戶婚錢債詞訟能早結一日即為民少耗一日之財免荒一日之工無如疲玩牧令深居簡出從不親取呈詞濫准濫駁全不攷究事理出錢遲速聽之書吏行票遲速聽之差役兩造既到送案遲速聽之家丁每有尋常細故累月經年不得一訊既訊仍不能結久羈濫押控訴無門其間訟棍之挑唆書差之婪索往往別生枝節釀成變故動致破產傾家甚且傷殘人命又或囹圄之中任聽丁役凌虐飢寒蕪穢成疾疫以至於死更有輕罪人犯案延不結過 赦不獲援免致令瘦斃獄中凡此之類死者抱恨九幽其室家妻子冤苦慘痛當復何如而因事納賄顛倒是非者更無論矣小民身家性命悉誤於玩吏之因循其上干天和者又一也

一相驗 民間呈報命案無論真偽但使輾轉減從照例隨帶刑件立往相驗真則嚴擊正兇偽則痛懲誣告不令差役絲毫擾累則活徒無所施其申詐藉命妄控之風自息每有州縣相驗或違例擅委佐雜或遷延時日致令屍身腐爛累已累人縱或聞報即行而攜帶多人充塞道路差役協押地保催辦供應愈如星火設廠有費下廠有費僕從夫馬有費而刑件差役無厭之求尤不可問既經獲犯又有招解等費種種婪索於是有望憐飛憐之說更有證佐之株連牽控之苦累一次相驗中人之產可以立破數家十次則破數十家矣推之勢惡痞徒遇事訛詐生計索然官不之究民安得不窮且盜耶而貪污之吏藉案羅織擇肥而噬者更無論矣小民艱苦積累之費忍痛而填之縶繫其上干天和者又一也 此稿未完

規復沅岸引地稟稿

具稟翰林院庶吉士熊希齡等為規復沅州府准鹽引地公懇 咨請 兩江督部堂暫撥平江城票運沅試辦以順商情而紓民困事竊紳等籍隸沅州詳考成案從前本係准鹽引地因髮逆之亂運道梗塞借食川私價倍

於淮同治間恢復淮綱已奉 諭旨停止川鹽入境而商賈逐利仍復私侵又以淮鹽搖雜惡劣不及川味鮮鹹民間食之如故無復有議及淮鹽者庚寅年署沅州府知府朱守其誌稟請暫提常德尾檔淮鹽百引運沅設局試辦甫有端倪復因前道紹道榮與督銷局王道詩正意見不合遽稟請 前署兩江督部堂沈引瀾陽案批飭無庸議辦事遂中止沅郡人心快然失望近年四川火井漸衰私價日昂邊隅之民不堪其苦今春紳等因公赴甯面稟 兩江督部堂劉並摺呈節畧一合縷陳利弊擬援照平江成案請製發碼票數張行沅開岸蒙 兩江督部堂劉批示以鹹鹽產不敷銷得難加票仍擬提撥尖鹽入沅督銷等因在案紳等馳回湘省商陳督銷局易道順鼎陳道昌疊以平江沅岸近因乙未年新增八票銷路滯澀網分積壓似可撥行沅岸以為疏通之計當經易道陳道札行平江督銷分局詢查商情是否願撥嗣得該分局詳復業據運商裕豐祥等稟稱商情踴躍異常請將新加八票酌量撥沅除裕豐祥兩票花名永和元和貞自願照撥以資試辦外其餘六票應請總局札知揚州運商同康和將該號新加六票酌量撥同裕豐祥兩票一併撥行辦理等語比聞已由易道等據情轉詳 兩江督部堂衙門候示遵行在案紳等伏思事莫大於濟困機莫貴於乘時查川鹽運入黔楚之路以貴州銅仁府為總匯以沅州府麻陽縣之江口為分銷銅仁從前有天字地字同興三大號號購運川私江口鹽行至有二十餘家之多緣四川總局體恤該商可以先期領運後繳課釐故能行銷如此之廣遠近來場產漸竭總局清理積欠照本發鹽不能多領先照該號遂形棘手銅仁三號有併為一家之約江口亦只存四家尚未倒閉以致販運寥寥鹽價漲至每斤一百二十三文或至一百六七十文不等小民售米一石只能買鹽七八斤生計愈窮物力益絀沿邊千里幾將淡食甚有謀利之徒由辰州運來淮鹽另用電火煎熬和以草灰石膏結成堅塊冒充川私希得大利味苦而澀民間食之往往致疾然以其價較川私為廉雖欲不購亦不能也况無官局督銷則行市價值一聽奸偷之低昂沅民受此無形之害實有日趨於准之心茲據平江分局所詳誠商裕豐祥願撥沅岸等情一舉兩得莫善於此且機會之來時不可失私鹽不禁自絕官鹽即可暢銷當不致有一切顧慮紳等聞懷桑梓籌畫事機擬請於平江新加減鹽八票內暫撥四票由該商運沅試辦官為設局督銷如能暢旺再行擴充以期久遠 大公祖大人惠商恤民仁至義盡合無仰懇 恩准移咨 兩江督部堂衙門俯念民生疾苦商意樂從從彼注茲變通盡善以開利源而惠瘠壤除將節畧另摺鈔粘外為此公懇 大公祖大人核准移咨施行實為德便上呈

附錄朱太守其誌擬請規復沅岸引地節畧

查湖南沅州府本准鹽引地兵燹後運道梗塞漸食川鹽春夏價值每斤七八十文秋冬水涸馴漲至百二三十文較承平時准鹽定價每斤六十餘文相去甚遠初非小民之願也同治間規復湘省各引地至辰州而止沅州值苗疆不靖未及舉行偶有自辰常洪江一帶販來淮鹽層遞疊疊難惡劣不堪以致民間有准鹽兩斤抵川鹽一斤之說甯食川鹽而不食淮鹽淮鹽味雖鮮於川粵卒不及川粵之鹹每斤祇可抵川粵鹽十二三兩然兩兩扣較價目懸殊准無攙雜仍較川粵便宜且比來川粵鹽亦有攙和草灰黑土著價重味苦澀而價實相倍車府曾於庚寅年稟請恢復淮綱試辦官運當經前道紹道榮督銷局王道詩正批准委員察看情形並提常德尾檔益百引運沅設局試辦修造棧倉追積斤平安抵岸核算成本每斤五十四文三毫並色潔白瑩淨民情異常懽悅商販紛紛交易乃因委員不力又值會忠義出缺王道赴金陵用哨紹道誤聽人言遽稟奉 前署兩江督憲沈引瀾陽案批飭無庸議辦事遂中止委員因此任意報銷頗致虧空實則瀏沅地勢情狀迥殊沅郡士民至今為憾伏查各省鹽務情形大抵官鹽貴而私鹽賤非緝私不能暢銷惟沅州以川粵兩私道里險阻運脚繁重較准鹽價昂秋冬尤甚春秋計算每斤約貴三十文以丁口百餘萬每人日食三錢計之食准與食川粵扣較每年出入已不下三十萬千於瘠郡民生疾苦實為一大宗故規復之說上籌定制下洽輿情洵為當務之急第規復而運尖鹽攙雜流弊難除終難杜絕擬請援照平江成案將沅州作為專岸請添碼引票運行減價價既稍減味復較鹹又係大塊非若尖鹽細碎可以摻偽味既鹹而價特廉小民惟利是趨雖不緝川粵私不禁辰常尖鹽入境而行銷自無不暢矣即課稅亦有增益蓋川粵稅較輕於准也查湘省各岸惟平江專銷塊鹽與尖鹽章程各別尖引課釐隨銷隨繳引課釐限期一年零六個月為度蓋尖浮盆面氣較清華價雖貴而味微淡且易雜偽鹹凝盆底質稍重濁味較鹹而價却廉又難攙雜民自趨之若鶩可以不令而從也湖南現因創設各學堂苦無經費可籌沅州僻處邊隅文風尤陋亦擬整頓書院兼立學堂以開風氣再四籌商惟有恢復沅州引地之一法即以沅州為專岸請製碼引票四張先行試辦暢銷有餘再求推廣如蒙 允准應由各紳共議抽提各學堂所集捐款作為成本公推殷實公正紳董經理其事每年除應完課釐開銷薪資外所餘之利概作各學堂經費實用實銷以副嘉惠士林之意願或謂沅州開岸而運塊鹽非湘岸尖商所願一也准綱既復該處運販川粵兩鹽商販相安已久一朝失業恐釀事端二也灘河險阻挽運維艱商人觀望懷疑難於慮始三也不知官本





牛油燭	勛	二百二十文
栗木炭	百勛	一千一百二十文
歡喜炭	百勛	六百八十文
上棉花	百勛	十六兩四錢
中棉花	百勛	十五兩六錢
下棉花	百勛	十四兩八錢
頭印折表	每塊一百四十四刀	四兩三錢
二印折表	同前	四兩
三印折表	同前	二兩七錢五分
吳庄紙	每石	三兩四錢
塊煤	石	三百六十文
烟煤	石	三百二十文
柴煤	石	二百八十文
石	石	二百八十文

# 裕源綢緞布莊

開設青石橋自運紗羅緞大呢羽毛時新花色洋貨  
布疋照碼抄發童叟無欺擇於三月初六日升牌

# 長沙老照壁沈力興藥室

奉送神效喉藥末

秘造驅風散毒丸每兩制錢百文  
秘造驅風散毒膏每張制錢八文

## 南海康工部有為條陳膠事摺

此南海先生第五次上書也先生前上四書辭塞瑣置以釀成今日之奇禍象環行彌熾紐垂絕夢天壓已踏地橫摧乃我三事大夫邦人庶士猶復處燕於焚幕之上翼卵於覆巢之下甚乃甘鳩羽於不渴噉漏脯而非飢鑄鼎象饗餐口未入而身已亡磨刀向牛羊命尚懸而神先泣臥屍坐塚禰正平將不勝悲天嘗人病劉子政迫欲為傳大臣不言而小臣言之此赤帝之辱也今人不言而後人言之亦儒冠之羞也先生於是憤不顧身伏蒲而諫敬王莫如我敬言人所不敢言其心為支那四萬萬人請命其疏為國朝二百六十年所無也適從友人處得見其草之半亟登報首不復拘論說冠前之常例上以著繼絕存亡之偉畫下以標起懦廉頑之正鵠其半續獲當遂聯書嗚呼六張五角事至今而更危萬死一生氣薄天而彌厲真宰上訴我生不辰然而世之昏驕悍陋邪曲畏死之小夫方且焚目咋舌崇信澀謬訛訛然議先生矣

具呈工部主事康有為為外費危迫分割滯至急宜及時發憤革舊圖新以少存國祚呈請代 奏事竊自馬江敗後法人據越南職於此時隱憂時事妄有條陳發日本之陰謀指朝鮮之蓄患以為若不及時圖治數年之後四鄰交逼不能立國已而東師大辱遂有割台補款之事於是外夷蔑視海內離心職憂憤迫切謬陳大計及時變法圖保疆圉妄謂及今為之猶可補牢如再徘徊遲疑苟且度日因循守舊坐失事機則外患內訌間不容髮遲之期月事變或來瓦解之患且夕可致後欲悔改不可收拾雖有善者無如之何危言狂論冒犯刑誅荷蒙 皇上天地之量俛採芻蕘下羶臣施行以圖臥薪嘗膽之治職誠感激 聖明續有陳論格未得達旋即告歸去國二年側望新政而泄沓如故坐以待亡土室撫膺閉門泣血頃果有德人強據膠州之事邀索條款外廷雖不得其詳職從海上來閱外國報有革李秉衡索山東鐵路礦務傳聞章高元及知縣已為所擄德人修造砲臺兵房進據即墨并聞德王胞弟親統兵來俄日屯買吾米各七百萬日本議院日日會議萬國報館議論沸騰咸以分中國為言若箭在弦省括即發海內驚惶亂民蠢動職誠不料昔時憂危之論倉猝遽驗於目前更不料盈廷緘默之風沈痼更深於昔日瓜分豆剖漸露機牙恐懼回惶不知死所用敢萬里浮海再詣 闕廷竭盡愚誠惟 皇上自危覽而採擇焉夫自東師辱後泰西蔑視以野蠻待我以愚頑鄙我昔視我為半教之國者今等我於非洲黑奴矣昔憎我為倨傲自尊者今則侮我為羶馨齷臭矣按其公法均勢保護諸例祇為文明